



Gdo maajiishkaa ana, gdo naaknige awii binojiinsimiyin maage agii yaawad binoojiins naamomiya?

Debinamang owi COVID-19 ashowizo-mashkiki apii maajiishkaayin maage nooni'aawisawin /okaakigan shamaawisawin adaa zinagad giizhendamowin epiichi baabiitowing owi gnesh-minik dibaabijigewin owi waankiimigag.

Ndo bigosendamami maanda gikendamowin mazinigan aga naadmaagwon awii zhitoyin gikendaman gego giizhendamowin myaawong agiin onji.

Gewe gaawii agaa debinaziwaad jiiitawaaganiwi ji-onji-aakozising myaajiishkaajig kwewog/bemaadizijig miinwaa ado binoojiinmiwaan age debinamiwaad COVID-19 woshme niizaanziwog owi gichi aakoziwin maage nibowin.

Aanowi gwa ayaaman COVID-19 ashowizo-mashkiki gaawii gnimaa gdaa nigaasimigisiin debinaman owi aakooziwin, adaa naazhinaan gdo niizaanziwon ayaaman ozhigo'oonzhe, niboonzhed, zaam wiiba ndaadizid binoojiins, miinwaa aabdeg gdo binoojiinsim biindigajigaazad gaa-izhi-aako-ganawenjiganiwiwaad binoojiins (NICU). Owi ashowizo-mashkiki age naazhinaan gdo zhisewin debinaman gichiwaakigwe e-agigokaad, dowendaagwog awii biindagonigowin aakozii gamigong, mineziyin meshkod nesewin nikaaziwin awii nesewin, maage nibowin onji COVID-19.

Apii debinaman owi COVID-19 ashowizo mashkiki epiich maajiishkaayin, gwiiyaw zhitonan gaa-naadamaagemagakin eyaamagakin wiiyawimaang gnwenimaad gdo binoojiinsim awii bwaa aakozid owi COVID-19.

Waankiiwendaagwod awi debinaman ashowizo-mashkiki manjigwa apii jibwaa, epiichi, maage shkwaa maajiishkaawin. Maanda giikimigewin dibegendaagwod owi gikendamowin agaa debinigaadeg onji woshme 100,000 myaajiishkaajig bemaadizijig maampii Gaanada miinwaa woshme niibna shi midaaswaag miziwe kamig.

Mina Bimaadiziwina Negijitojig Wijiwwendamawinan* gagetinaami giikimigewog debinamang owi ashowizo-mashkiki inaaknigewin awii maajiishkaayin, epiichi maajiishkaayin, maage epiichi nonaawisowin/okaakagan shamaawisowin. Newen bamitaagewinan baashkiji-aanan newen niizaanziwon giin miinwaa gdo binoojiinsim.

* Society of Obstetricians & Gynaecologists of Canada (SOGC), Public Health Agency of Canada (PHAC), College of Family Physicians of Canada (CFPC), Canadian Association of Midwives (CAM), National Advisory Committee on Immunization (NACI)



COVID-19 ashowizo-mashkiki ana waankiimigag giin awii debinaman?

Owi zhisewin owi debinaman inamjiwinan miinwaa epiichi shpaamigag naasaab aawinon gewe gaawii myaajiishkaasawaad kwewog/bemaadizijig.

Debinaman owi ashowizo-mashkiki epiichi maajiishkaayin GAAWII giikisemigasino gdo niizaanziwin owi yaaman ozhigo'oonzhewin, maage gdo binoojiinsim daadizid ayaang maanaajigiwin, maage gego bkaan niizaanziwinan gdo maajiishkaawin maage binoojiins.

Gichi maanaaji zhiwebiziwinan dibishko gonaa bimaadiziwin-niizaanag maanaaskaagewinan myocarditis miinwaa pericarditis (baagising owi ode mashkowiziiwin maage biitosijigan gaataawiing owi ode), odowan, miinwaa mashkowiziiwin niinimag maage nibiwiiseng gichi wewiikaa zhiwebidoon.

Waankiiwendaagwod ana nooni'aawisawin / kaakinaang shamaawisawin ndo binoojiinsim giishpin agii debinamaa owi ashowizo-mashkiki?

Ada waankiiwendaagwog nooni'aawisawin/kaakinaang shamaawisawin shkwaa debinaman owi COVID-19 ashowizo-mashkiki. Nda gikenjigewinan owi bemaadizid doodooshaaboo gewe agaa debinamiwaad jiiatawaaganiwi ji-onji-aakozisiing epiichi maage shkwaa maajiishkaawaad waabmdowemigad aapaji gwa bangii owi ashowizo-mashkiki (giishpin gego temigag) zhaamigad zhiwe bemaadizid doodooshaaboo.

Owi ana ashowizo-mashkiki madookidaan ndo aanjigiisewinan maage gashkito-aan awii yaawog binoojiins?

COVID-19 ashowizo-mashkikiin gnimaa adaa giikinaan minik newen apii ayaaman aanjigiisewinan bezhig maage niish giizhigadon miinwaa gnimaa adaa aanjisemigag gagwetch owi miskwiiwin bangii goweta. Dash wiigwa, ninda aanjisewinan goweta tenoon bangii giizisoon shkwaa debinigaadeg jiiatawaaganiwi ji-onji-aakozisiing. Gaawii gego tesino gikendamowin owi ashowizo-mashkiki gwayaa ado aniijaansiwin maage naazhinang owi zhisewin awii maajiishkaang.